

17900

DISSERTATIO INAUGURALIS
MEDICA,

DE
N E P H R I T I D E ,

Q U A M
U T
GRADUM DOCTORIS MEDICINAE

I N
UNIVERSITATE CAESAREA LITERA-
RUM DORPATENSI

R I T E S I B I A C Q U I R A T

C O N S E N T I E N T E A M P L I S S I M O M E D I C O R U M O R D I N E
L O C O C O N S U E T O

P U B L I C E D E F E N D E T

A U C T O R

O T T O H E R M A N N S T R E U B E L T ,
R I G E N S I S .

D O R P A T I ,
L I T E R I S M I C H A E L I S G E R H A R D I G R E N Z I I ,
T Y P O G R A P H I A C A D E M I C I .
M D C C C X I I .



In primatur:
Daniel Georgius Balk,

Medicinae et Chirurgiae Doctor, Pathologiae, Semioticae et Therapiae Professor publicus ordinarius, Instituti medico-clinici, instituti, quod asphycticorum curam gerit, nec non collectionis pathologicae Director; a consiliis collegiorum Russicis etc.

Dorpati, d. XXVIII. Maii MDCCCXII.

21236

INTRODUCTIO.

Doctrina de inflammatione gravissimi est momenti, cum ex ea plurimi morborum topicorum saepe prodeant, quamvis ipsa inflammationis natura nondum satis accurate perspecta sit, quod ipsa theoriarum multitudo, quae de ea promulatae sunt, demonstrat. Phænomena inflammationis externæ et internæ inter se diversa sunt, simulatque ad agnitionem huius morborum formæ adhibentur. Signa characteristica, ruborem, tumorem et duritiem, auctum calorem et dolorem omnes auctores agnoscunt. Chirurgo haec sufficiunt, quippe cti vius et tactus diagnosin perspicuam praebant, me ico vero, cui inflammations internæ tractandæ sunt, pauca tantum horum symptomatum usum aliquem afferre possunt, cum plerumque sensibus se subducant. — Dolor in inflammationibus partium internarum haud quam signum est certum, cum minimus esse, vel et prorsus deesse possit, cumque praeterea pro charactere inflammationis, proinde huius periodo, et pro structura partis affectae maxime variare pos-

fit; neque semper sedes doloris eadem quoque sedes inflammationis est, cum, qui magnus inter omnes nervos intercedit consensus, alias partes facile sympathetice afficiat, atque in iis sensus morbosos gignat; opera itaque danda est, ut sedes inflammationis reperiatur, quod molli impressione fit, donec ad eum locum perventum fuerit, ubi dolor augetur fixusque permanet. Verum et hoc signum ut quoque aucta temperatura partis inflammatae in omnibus affectionibus inflammatoris organorum profundius sitorum nos destituit, neque quidquam nobis relictum est, quam quod ex ratione laefionis functionum peculiarium concludendo elicimus, quae conclusio semper tamen aliquatenus incerta est. — Pulsus semper perquam fallax est, praesertim in inflammationibus chronicis, ubi nonnunquam naturalis permanet¹); in omnibus inflammationibus abdominalibus simul cum aucta inflammationis magnitudine propter universalem nervorum affectionem pulsus non ita durus magnusve est, quam in aliis inflammationibus; in illis enim pulsum parvum, spasmodicum, simul tamen ita durum, ut nullo modo reprimi possit, signum maxime esse characteristicum, experientia comprobavit. — Lingua in inflammationibus internis plerumque quidem sicca est, nonnunquam rubide aut albide superducta, quemadmodum in aliis quoque morbis adspici potest — Crusta inflammatoria, quae fibra sanguinis coagulabili formatur, globulis sanguinis

¹) Stoll Heilungsmethode Tom. III. part. I.

ma potentibus, signis incertis adnumeranda est; in hyperthenica tantum conditione essentialis habenda est, oriturque ubi, febris jam aliquamdiu adfuit, neque minus varia est, quam haec; inventitur praeterea in graviditate, rheumatismo, febribus intermittentibus, malis arthriticis etc. imo nonnunquam in optima alioquin sanitate, si plethora adsit, locum habet, ut et aliis ex causis accessoriis oriri potest, ut ex fortiori deligatione post venae sectionem. — Tumor in majoribus tantum visceribus signum esse potest; in minoribus raro certi aliquid is praebet.

Quae omnia signa cum in inflammationibus internis incertissima sint, ad nullum eorum solum certo respici debet, imo necessarium est, omnia phaenomena conjuncta considerare, eaque inter se comparare, respicere praeterea ad regnantem constitutionem stationariam; atque inquirere in causas, quae praecesserint, ut recta diagnosis instituatur.

De proxima inflammationis causa opiniones diversissimae reperiuntur, cum medici antiquiores et recentiores varias sententias variaque dogmata secuti his sententiis dogmatibusque novas theorias accommodare studerent, ut tamen hucusque veram rei, in quam inquirebant, naturam nemo perspexisse videatur. Neque aliter fieri potuit; nam una cum progressibus et perfectione omnium doctrinarum medicarum, physiologiae praesertim et anatomices, rationes quoque explicandi mutari, necesse erat. Theoriis, quas proposuerunt Boer-

haye²). Fr. Hoffmann, atque Haller, qui errorem loci latius extendit, cum sanguinem in interstitia ipsa quoque telae cellulofæ penetrare contendat, dogmata illa pathologiae humoralis de consipillatione massæ sanguinis, et falsæ ideaæ anatomicæ de angiologia fundamenti loco erant, ut inflammationem ex obductione vasorum subtilliorum explicarent³). Alii inflammationem chemice explicare conati sunt, sanguinem in parte inflammata calefieri et effervescentia statuentes, ut Sydenham et Ettmüller. — Burserius et Cullen stimulos quosdam peculiares adhibuere, quorum ope congestiones sanguinis in non-nullis partibus orientur; hic quoque spasmodicas contractiones in vasis minimis statuit, quas ex ascritionia humorum derivat, quae vim naturae medicatricem excitet — Reil⁴) naturam inflammationis in mutatione mixtionis materiae inesse contendit, huncque morbum peculiarem aliquem virium vitalium vasorum sanguiferorum vocat, addens tamen, propriam hujus mutationis pathologicae conditionem, quemadmodum ope stimulorum inflammatoriorum gignatur, nobis ignorantem esse. Brownii sistema hypersthenia et asthenia nititur. Inflammatio ipsi est affectio uni-

²) Herm, Boerhaavii kurze Lehrsätze: Aphor. 43. 107. 372. 386. Ejusd, Institution. medic. § 732. 733.

³) Joh. Zach. Plattneri Institut. Chirurg. § 30. 35.

⁴) Fieberlehre Bd. 2. § 74.

versalis omnium ad eam partem pertinentium vasorum; inflammationem partium corporis internarum haec theoria respuit, quoniam organis internis eadem semper sibi aequalis temperies sit, quoniamque calor ad hos morbos gignendos maxime efficacem vim habeat; inflammatione asthenica ipsi est conditio quaedam partis inflammatae ejusdem generis quam quae in toto corpore adsit, ita tantum, ut in parte inflammata activitatis minor copia adsit, quam in quavis alia corporis parte. Inflammationem topicam, tam sthenicam quam asthenicam niti tantum topica laesione, aut solutione nexus partis alieuius, atque a solo statu universali conditionis corporis proficiunt, a qua non minus et ipsam rationem huius morbi formae tractandæ pendere. Hufeland⁵) inflammationem ex aucta et exaltata vi vitali explicat, quae in systemate vasorum et in sanguine prævaleat⁶).

Omnis hæc theoriae, multoque etiam plures, a viris de medicina meritissimis propositæ, oculos quondam suorum temporum in se converterunt, cum omnibus id curae esset, hoc medicinae objectum illustrare, et certis legibus superstruere. Id enim animus humanus sibi propositum habet, ut vero et perfecto semper proprius accedat, at-

⁵) Pathogenie § 303.

⁶) Qui gravissimas de inflammatione theorias, quae hucusque innotuerunt, breviter examinatas legere cupit, eum ablego ad C. Leidloffii, praetide Balk, diss. de inflammationibus. Dorpati 1804.

que, quae nondum perspecta sint, perscrutetur; verum ubi ipsa natura operans rem quandam velo quasi tegit, quo minus eam dispicere et intelligere possit, ibi indagatio, quam speculationem vocant, sola viam ipsi aperit, qua vero appropinquet. Is vero, cui nondum experientia observationes probatas suppeditavit, iis notionibus adhaerere solet, quas, quamvis non ex se ipso haustas, verissimas certissimasque atque maxime persuadentes credit, quibusque experientia antiquiorum calculum suum adjicit. Nemo facile expectabit se in iis, quae nunc prolatus sum, nova esse lecturum, quoniam haec doctrina, cui me totum addixi, mere empirica est; praepropere itaque agerem, novam theoriam de objecto saepissime jam ventilato, proponens, cum nondum experientia uberior mihi contigerit. Quam de inflammatione sequor theoriam, quibus adhaereo dogmatibus, de iis Balk V. D. Professor huius universitatis Cl. praceptor summe venerandus, multis observationibus in instituto clinico institutis, maxime mihi persuasit ut prorsus iis mihi adhaerendum sit. Natura inflammationis ipsi in abnormi nisu formativo inest, qui characterem aut debilitatis irritabilis aut stheniae irritabilis assumferit ⁷⁾. Sedes inflammationis inest in ultimis finibus vasorum arteriosorum; in his activitas et receptivitas aucta est, in venis vero imminuta, unde accumulatio et redundantia in fini-

⁷⁾ Ubius haec theoria in dissertatione inaugurali aliquius meorum commilitonum explanabitur.

bus arteriarum oriuntur, quae cum materiam formativam in se contineant ejusque conductores sint, abundantem materiam fibrosam et lympham plasticam recipiunt, unde circulatio huius substantiae restaurantis hic debilitatur, atque in eo loco, ubi accumulata est, stimuli instar operatur, quo fit ut affluxus humorum augeatur, et postremo, spasio incarcerateda vasa proprie nutrita claudantur; nullum enim dubium est, quin et subtilissimi arteriarum rami parvas ramifications nervosas recipient, et peculiaris phaenomenorum spasmodicorum affectio in excitatione systematis nervorum insit, quae hic permanenter perdurant, partim ob impressionem tumoris, quae inflammationem comitatur, partim ob operationem materiae, quae ad decompositionem inclinat. Non activitatis muscularum vasorum debilitas- sed spasmus incarceratedans est, qui, ut inflammationis causa, circulationem impedit, quique sanguinem aucta parietum vasorum activitate crassorem factum eo adigit, ut coagulari possit, quae prima conditio est processus formativi. — Principium vero excitationis nimia quoque nisu formativi vehementia exhausta potest, quo facto febris synocha in decursu charactere asthenico insignitur, unde sphacelus aut conditio paralytica oriuntur.

Praeter eam partitionem, quae a sede defumta externas et internas inflammations admittit, partitio generalis a conditione dynamica defumta est, secundam quam aut genuina est aut

minus genuina, sive activa aut passiva, sive secundum Brownium sthenica aut asthenica. In inflammatione sthenica summus activitatis vitalis gradus est in vasis sanguiferis, febris semper characterem synoches refert, materia fibrosa magnopere eo inclinat, ut membranas et vas a gignat, decursus celer est et regularis; in inflammatione asthenica decursus est latus, materia fibrosa cum ceteris sanguinis partibus constituentibus non tandem arctiore mixtionem et conjunctionem contraxit, sanguis non ita spissus est, ut in inflammatione activa; sensibilitas aucta, activitas fibrae irritabilis imminuta est, paries vasorum laxiores sunt, et sanguis facilius decomponitur. Semper vero a corporeo totius organismi conditione pendebit, utri harum specierum primariarum inflammationis organum affectum magis inclinet; semper generali ceterorum vasorum conditione nitetur, quae in inflammationibus topicis prorsus sana esse possunt, cum pars totius organismi ob debilitatem et irritabilitatem morbosam praecipue ad inflammationem inclinare queat, quae dispositio conata, hereditaria, aut praecedentibus noxiis influxibus acquisita esse possit. Etiam nonnullorum organorum structura laxior eiusmodi est, ut prae aliis ad inflammationes asthenicas disposita sint. —

DIAGNOSIS NEPHRITIDOS.

Signa praecipua, quae in hac inflammatione animum medici in se convertunt, sunt: perspicua synocha (febrem, quae nephritidem comitatur, characterem typhosum habere, a nemine observatum est) dolor in regione renum, atque magis minusve aucta, nonnunquam adeo calida temperies vel intumescientia etiam huius loci, qui in regione lumbari tres digitos fere a spina dorsi sub ultimis costis spuriis, paulo altius vero in affectione renis sinistri, situs est. Dolor est pungens, ardens aut pulsans atque a viis urinalibus incipiens ad vesicam usque extenditur; testiculus huius lateris sursum trahitur; sensusque obtusus huius femoris oritur, quae phaenomena plerumque tamen, ut et femoris oedema, in ea tantum nephritide adspiciuntur, quae a calculo renali orta est. In hac nephritide calculosa frequentes conatus mingendi, sed urina pauca, cruenta, aut turbida et mucosa, rarius coloris expers characteristica sunt. Aegroti se erigere quidem possunt, sed stantibus dolor augetur. Optimus situs est jacentis in dorso

in culcitrīs; multo magis incommodus, non-nunquam intolerabilis est situs in latus aegrotum vergens. Una cum dolore, nonnunquam vero quoque ante eum vel post eum febris accedit, quae eo fortior est, quo magis pelvis renūm inflammatus est, quo vehementiores et magis pungentes ipsi dolores sunt, quoque durior, tenuior et contractior pulsus est. Excernenda urina praesertim laborat, saepe per totum diem nonnullae tantum unciae urinae ardentis, acris, per quam rubrae excernuntur; et ubi inflammatio vehementior est, praesertim ambobus renibus simul inflammatis, aut perfecta ischuria renalis locum habet, aut, quae urina excernit, ea nonnunquam prorsus coloris expers pelluciditatem aquae quasi refert, quod Stollio⁸⁾ judice semper mali ominis phænomenon est. Ejusdem sententiaejam Boerhave fuit, et, qui eius opera commentatus est, van Swieten⁹⁾. Galenus¹⁰⁾

⁸⁾ Aphor. üb. Erkennt. u. Behandl. d. Fieb. Wien 1787. § 323.

⁹⁾ Commentar in Boerhave Aphor. Wirceb. 1787. s. Tom. VI. § 993.

¹⁰⁾ Opp. omn. edit. Chartier. Paris 1679. Tom. II. p. 264.

filamenta fibrofa in urina praeterea ut signa adfert, sed haec fortuita tantum sunt.

Ureteres, ubi sympathice affecti sunt, urina permeante dolent et ardent. Vehementior si inflammatio fuerit, tenesmus, obstructio, dolores colicales, ructus, vomitus, singultus, meteorismus, frigidae extremitates, perturbatio, anxietas animi, tremor, defectus facultatis eundi accedunt. Consensus per nexus systematis vasorum et nervorum haec phænomena satis explicat. Quid quod viri, ex iisdem consensus legibus, nonnunquam in uretere non inflammato majores dolores sentiunt, quam in ipsis renibus. Si haec inflammatio aliquanto vehementior adest in hominibus, charactere pathologico debilitatis irritabilis et sensibilis praeditis, deliquia animi, deliria, convulsiones oriuntur. Rareiter tantum loco obstructionis consuetae diarrhoea animadversa est¹¹⁾). Ubi sedes inflammationis magis in substantia interna est, dolor minus est urens et pungens, neque raro prorsus levis, et potius premens; pulsus minus est spasmodicus, et omnia reliqua symptomata minoris momenti sunt:

¹¹⁾ Webster System der pract. Arzneykund. Tom. I. p. 345.

ipsa etiam synocha genuina non ita se exserit, sed magis occulti est generis, unde calculus renalis saepe ortum trahit, sicuti paululum lymphae coagulatae haereat relictum, et partes terrenae sensim ex urina ei adhaereant. Quod si praesentia calculi renalis, cuius magnitudo sensim crescit cuiusque forma varia et rotunda et angularis esse potest, inflammatio chronica alitur, tum haec cum dolore obtuso, premente, quasi si cuneus in substantiam renum intrusus esset, conjuncta est, qui dolor in activa corporis motione et post cibum sumptum augetur; simul colica, nausea et vomitus, obstructio et turbata concoctio frequentissime eam comitari solent, ita tamen ut lingua et sapor pura remanere possint.

Raro ambo renes inflammatisunt, et Frid. Hoffmann¹²⁾ jam observavit, renem sinistrum omnibus morbis et praecipue quoque inflammatione saepius affici, quam dextrum. Flexura coli, quae, flatibus et faecibus duris impleta, renem sinistrum premit et incitat, atque arteria emulgens sinistra, quae fortiori impetu sanguinem versus renem sini-

¹²⁾ Oper. omn. Genev. X. 1748. Fol. supplem. II. part. III. §. 423.

strum propellit, ad explicandam hanc, quam protulinus, observationem infervire videntur. Mirum vero est, ibi, ubi alter ren tantum inventus est, plerumque immo semper fere sinistrum defuisse¹³⁾. Rarius superficies renum inflammata est; Baillie¹⁴⁾ nunquam hoc observavit et Morgagni¹⁵⁾ imperfecte tantum. Saepe substantia renum. Nonnunquam omnia signa diagnostica huius inflammationis defuerunt, quod Schönfuss¹⁶⁾ memorabili exemplo illustrat. Similia legimus in Lind¹⁷⁾, Schmidtmann¹⁸⁾, Conradi¹⁹⁾, anonymo quodam²⁰⁾, Frank²¹⁾ aliisque. Saepe, ubi

¹³⁾ Voigtel Handb. d. patholog. Anatom. Halle 1805. Tom. III. pag. 169 sq.

¹⁴⁾ Anatomie des krankhaft. Baues u. f. w. überl. von Sömmerring. Berl. 1794. p. 161.

¹⁵⁾ De sedibus et cauf. morb. Ebrod. 1779. Epist. XXXIV. §. 21.

¹⁶⁾ Hufeland Journ. d. pract. Heilk. Tom. II. fasc. 2. p. 286 sq.

¹⁷⁾ Museum d. Heilkunde, Tom. I. Num. V. pag. 59 sq.

¹⁸⁾ Hufeland Journ. Tom. VII. fasc. 4. pag. 44 sp.

¹⁹⁾ Arniemann's Magazin f. d. Wundarznk. Tom. I. fasc. 2. pag. 178.

²⁰⁾ Hufeland Journ. Tom. XIII. fasc. 3. pag. 72 sq.

²¹⁾ De curand. homin. morb. lib. II. §. 261p. 294. sq.

alteruter renum tantum laborat, ut in plurimis organis duplicibus, alter consensu afficitur.

Nephritis chronica facile propter similem characterem affectionis rheumaticae partium adjacentium cum Psoitide, Lumbagine, nonnunquam quoque cum calculo renali confundi potest. Discrimina haec sunt:

a) in Psoitide aegrotus supinus jacens nullo modo femur versus regionem epigastricam movere potest; stans vero femore progreedi nequit, gradiens collabitur et pronum se inclinat, ut in lumbagine. — In nephritide aegrotus sine incommodo insigniore femur movere potest, quin et progreedi, nisi renes nimis intumuerunt, aut musculus lumbalis adeo inflammatus est. In psoitide praeterea mala urinae et alia symptomata, Nephritidi propria, desunt.

b) in Lumbagine aegrotus et stans et gradiens semper pronus inclinatur, atque os sacrum cum femore angulum obtusum format: urina naturali et quantitate et qualitate, facile excernitur. — In nephritide aegrotus femur pro lumbitu movere et sine dolore se erigere potest; excretio urinae semper imminuta, aut, ad mixtionem quod attinet, abnormaliter mutata est; magis minusve laborat nausea vomituque, quod in lumbagine nunquam locum habet, nisi haec mala complicata fuerint; dolores testiculorum prorsus desunt.

c) Nephritis possit praeterea cum Nephralgia calculosa sive lithiasi renali confundi; hic quae supra adduximus signa, paululum tantum certitudinis de differentia utriusque mali afferunt; nam tam nephritis calculosa, quam calculus renalis similia in decursu symptomata offerunt. Tantum, ubi abscessus extrorsum apertus fuerit, ope specilli certius aliquid constitui possit. Nephritis acuta facilius a calculo renali distingui potest: quoniam

1. In nephritide febris synochica locum habet, in lithiasi renali vero aut nulla febris aut levis tantum et celerius transiens conditio febrilis adest, praesertim si nullus calculus acutus ex rebus in vesicam transfierit, quod ubi locum habuit, febris vehementissimis doloribus, et colicae nephriticæ conjuncta est.

2) Nephritis acutum, lithiasis renalis vero chronicum decursum peragit.

3) In nephritide dolor est pulsans, in lithiasi renali obtusus, pungeñs, secans, extendens. Inflammatio ureterum nunquam morbus est idiospathicus, sed secundarie oritur ex affectionibus aut renum aut vesicae; dolor hic ut in nephritide, situm ureterum sequitur; plus urinae excernitur, quae perineans, ardorem in iis gignit, nisi renes simul inflammati sunt: in ambobus malis saepe nausea, vomitus et singultus animadvertisuntur.

4) In lithiasi renali ischuria non semper perdurans est, quod in nephritide plerumque in-

veniri solet: urina in illa turbidior est, coloris que fusi, caffae similis, atque in ea nonnunquam parvi calculi aut glarea excernitur; femur lateris affecti in lithiasi renali plerumque ob-torpescit, aut aegrotus in eo, quam longum est, dolorem obtusum sentit.

5) In lithiasi renali testiculus aegroto dolente sursum trahitur, scrotum et femur adjacens inflammatione erysipelatica laborant, quae phænomena in nephritide defunt, nisi calculo renali genita sit. Ceterum utraque morbi forma utique saepe eodem tempore adest, et nexus causali inter se conjuncta est.

d, Nephritis praeterca cum passionē iliaca confundi potest, ut Othmar Heer²² significavit. Discrimina sequentia hic observantur.

1) In nephritide semper aut quantitativa aut qualitativa abnormalitas urinae una cum doloribus in systemate uropoeticō locum habet; in passionē iliaca vero ad summum rubra urina, cum exigua quantitatis diminutione observatur et dolores hic defunt.

2) In passionē iliaca stando dolores nonnquam augentur, quod semper in nephritide accidit; similiter in illa characteristicus dolor in regione lumbarī, qui pressione externa augeatur, defest.

3) Causae, ex quibus uterque morbus dignitur, essentialiter diversae sunt, et cognitio

²²⁾ De renum morb. eorumque diagnos. etc. Hal. 1790. §. 4.

influxuum noxiorum, quae praecedebant, nonnquam de morbi natura dubitare nos finit.

Rarius exemplum nephritidos spuriaē scorbuticā, cuius delineatio diagnostica tamen per quam manca est, narrat Spindler²³.

CAUSAE NEPHRITIDOS.

Rectissime J. P. Frank observat: „plures certe, quam quae rariorem nephritidem revera inducunt, a medicis numerantur causae.“ Hic tantum eas proponemus, quae accurata et repetita experientia a medicis acute observantibus repertae sunt. Proxima nephritidos causa eadem est quam quae in omnibus ceteris inflammationibus reperitur; (vide Introductionem dissertationis). Inter causas remotas praecipue eae sunt, quae mechanice operantur, quae ad gignendam hanc inflammationem operam suam exhibent. Huc pertinent: ictus, casus, percussio in inferiore dorsi regione, contusiones et vulnera penetrantia huius loci, vehementes concussions equitando, saltando aut vehendo ortae, onera gravia sublata, calculi renales, tumores finitimi, fractura costarum spuriarum hujus re-

²³⁾ Observ. medicar. Centuria. Frct. 1694. 4. Observat. 55.

gionis, exostoses vertebrarum; ut decubitus diuturnus ob fracturam femoris vel cruris, in primis si aeger obesus sit, quae Swietenii²⁴⁾ et post eum plurimorum recentiorum sententia est, hoc quoque faciat, fieri quidem posse, nec tamen verisimile esse nobis videtur. Rarior quaedam causa inest in granis hordeolis in renibus²⁵⁾. Ad causas dynamice operantes pertinent: diuturnior urinae retentio, abusus remediorum diureticorum, praecipue cantharidum et meloes majalis, nimius asparagorum esus, refrigeratio regionis lumbaris post vehementem corporis calefactionem, ardor solis major perduransque, metastases stimuli catarrhalis, rheumatici et arthritici, inflammationes peritonaei, aliorumque organorum vicinorum, caries vertebrarum dorsi, crises febrium suppressae, abusus potionum spirituosalium, menses haemorrhoidesque suppressae, diuturnior systematis uropoetici conditio spasmatica. Rarior causa inest in vermibus renum. Sic Zacutus

²⁴⁾ Commentar. in Boerhaav. aphorism. Tom. VI. p. 361.

²⁵⁾ Ephemerid. natur. curios. Decur. III. Ann. VII et VIII. Obs. I.

Lusitanus²⁶⁾ in renibus viri alicuius, qui phthisi perierat, plures vermes albos, satis crassos vivosque invenit. Cuius folius auctoritate si nobis utendum esset, non multum ei tribuendum esset, cum Metzger²⁷⁾ et Blumenbach²⁸⁾ fidem huius apostatae valde infringant. Verum et Blaes, sive ut ex more illorum temporum se vocavit Blaesi²⁹⁾ similiter duos vermes rubidos, lumbricis similes, in rene purulento vident. Similia narrant Schenk³⁰⁾, Bonet³¹⁾, Redi³², Valisneri³³⁾, Schacher³⁴⁾, Bal-

²⁶⁾ Praxis historiar. morbor. Lib. V. 8. Amstelod. 1641. Lib. II. cap. XVI. obs. 6.

²⁷⁾ Skizze einer pragmatisch. Literärgesch. d. Medizin. Königsb. 1792. §. 178.

²⁸⁾ Introduct. in hist. medicin. literar. Goetting. 1786. §. 279.

²⁹⁾ Observation. anatom. rarior. Amtst. 1677. 8. part. VI. Obs. XII.

³⁰⁾ Observ. medic. rar. Frct. 1600. 8. Lib. III. Sect. II. obs. 196.

³¹⁾ Sepulchret. s. anatomi, pract. Lugd. Batav. 1700. Fol. Lib. III. Sect. XXII. observ. 23 et Sect. XXIII. obs. 2.

³²⁾ Observaz. interno a gli animali viventi etc. Fiorenz 1684.

³³⁾ Opere fisico-mediche. Venezia 1733. Tom. I. Sect. V.

³⁴⁾ Diff. de lumbricis in renib. repert. Lipf. 1719.

dinger³⁵⁾ aliique. Experientia praeterea docet, homines, praesertim natu majores, quae podagra anomala et glarea laborant, saepius aliis ad nephritidem praecipue ad nephritidem calculosam inclinare. Balk, prof., praceptor summe venerandus. aegrotum nephritide laborantem tractavit, cuius morbi nulla alia causa verisimilis inveniri potuit, quam quod homo hic saepe stans concubitus excercuerat. Tandem quoque aliis stimulus chemicus, aliis morbis praecedentibus, qui humores decomposuerunt et acres reddiderunt, genitus nephritidem secundariam efficere potest, tum praecipue, cum iam insignior inclinatio eo adfuerit, aut vitium organicum renes occuparit. In variolis, febre scarlatina, in typhobilio, et hydrope hoc nonnunquam locum habet. Baillie³⁶⁾ plerumque causam scrophulosam existimat.

PROGNOSIS.

Nephritis semper eiusmodi est morbus, cuius decursum, utrum felix futurus

³⁵⁾ Magaz. f. Aerzte, 3. Bd. S. 19.

³⁶⁾ l. c. p. 161.

sit, an infelix, raro praedicere queas. Celerior decursus est inflammationis acutae, ubi resolutio plerumque, intra diem VII et XIV accedit; dubius eventus est, ubi ultra diem VII sine criticis evacuationibus, quales sunt frequens, crassa, caffae dilutae similior, lactea, rubra, saepe atro sanguine mixta, fusca vel purulenta urina hypostatica, aut profluvia sanguinis, quae suppressa fuerant et rursus se exserunt, aut sudor universalis calidus, odorem nonnihil ammoniacum referens, perdurat, ubique signa suppurationis incipientis adspiciuntur. Nephritis occulta saepe lentissime gignitur; ipsa adeo suppuratio locum habere potest, nullis phaenomenis conditionis purulenta praecedentibus; quod, ubi pus urinae excretae admiscetur, agnosci potest, quodque plures per annos obtainere potest, ut haec excretio neque organismo noxia sit, neque aegroto incommoda pariat; quid quod continua hac puris elutione ulcus prorsus extergitur et sanatur, praesertim cum naturae remediis aptis subventum fuerit. Quar in³⁷⁾ eiusmodi exemplum memorabile narrat. Primaria vero bona prognoseos conditio est,

³⁷⁾ Method. medend. inflamat. Vindob. 1774.

ut febris semper imminuatur, et tandem profus desinat. Ischuria, atque invicem ei succedens urina, pellucidae aquae similis, sapor fortisque odor exhalationis, qui urinam referant, vomitus perpetuus isque adeo materiae urinosae, deliquia animi, convulsiones, extremitates frigidae sunt phaenomena, quae infelicem exitum portendunt. Saepe lympha plastica, quae effunditur aut exsudatur, originem calculo renali praebet. Nephritis calculosa nunquam fere sanatur, quin periculum recidivorum remaneat.

EXITUS NEPHRITIDOS.

Exitus huius inflammationis iidem sunt, quam omnium aliarum, praecipue resolutionis, suppurationis, desorganisationes alias generis, calculi genitura, obduratio scirrhosa, sphacelus. Resolutionem comitantur criticae evacuationes, ut jam supra dictum est; plerumque ante diem VII. incidere debet, ultra quem terminum vix speranda est. Suppuratio incipiens agnoscitur remissione dolorum, nulla tamen vera crisi praecedente; dolores fiunt torpidiores, obtusiores, prementes, volantes et intermittentes, pulsatio fentitur in loco affecto,

ut et horrores intermittentes atque motus febriles; sensus quidam oppressionis aegrotus est in regione renali, incommoda urinae vehementiora mitiorave etiamnum durant et cum foetida urina pus excernitur; hic omnium exituum frequentissimus est. Ubi effluvium liberum est, de medela non desperandum est; saltem morbus longius protrahitur, antequam mortem afferat. In nephritide occulta vero diagnosis tam periodi inflammationis quam suppurationis incipientis haudquaquam perspicua est. Pus iam aut in membrana, quae parenchyma renum circumdat, quaeque saepius tum spissior fit, ut in facco inclusum remanet, ut nullum ejus effluvium in urina animadvertatur, quo diagnosis anceps redditur, donec, quae non longum tempus abesse solet, phthisis renalis obtineat. Plerumque primum pars renum papillaris destruitur; postea totum reliquum parenchyma, ut in cadavere vel minimum renum vestigium evanuisse appareat, quorum locum saccus pure impletus occupat. Exempla huiusmodi narrant Blasius³⁸⁾, Seger³⁹⁾, Scheffer⁴⁰⁾, Che-

³⁸⁾ I. c. p. 129.

³⁹⁾ Miscell. nat. cur. Dec. I. Ann. I. obs. 16.

⁴⁰⁾ Misc. N. C. Ann. IX. obs. 102.

fton⁴¹), Portal-Chandon⁴²). Quid quod Oberteuffer⁴³, et Schmidmann⁴⁴ cum renibus et ureteres ita evanuisse vide- runt, ut ne minimum quidem vestigium superfuerit. Maximam mirationem injicet, quemadmodum eiusmodi destructiones nullis signis nonnunquam se prodant, quod inter alia, exemplum a Schmidmann al- latum demonstrat, atque quemadmodum adeo urina non impedita excerni poscit. Haec quidem ubi locum habet, ab altero sano vel nondum destructo rene excernitur. Aut pus in cavum abdominis effunditur ibique ascitem purulentum, semper letalem, for- mat, qui rarissime tantum feliciter absces- sis, ab ipsa natura genitis, extrorsum eva- cuatur; huiusmodi exemplum, ubi absces- sus in regione inguinali formatus erat, Troja⁴⁵) narrat; aliud exemplum, ubi ab-

⁴¹) Pathol. Untersuch. u. Beob. in der W. A. Gotha 1780. 2. Kap. S. 14. ff.

⁴²) Hufeland's neueste Annalen der franz. Arzkd. u. W. K. 2tr. Bd. S. 237.

⁴³) Loders Journ. f. Chirurg. 3r. Bd. S. 368.

⁴⁴) l. c.

⁴⁵) Über die Khten. d. Nieren etc. Leipz. 1788. p. 211. sq.

scessus in dorso genitus erat, qui artis ope apertus perfectam sanationem produxit, in- venimus in v. Swietenio⁴⁶), qui in eo narrando auctoritatem Cabrolii et Boneti secutus est. Aut renes suppurati jam du- rante periodo inflammationis cum aliis or- ganis vicinis coaluerunt, quo nexus patholo- gico spuri, in iis genite, exitum viis miris et saepe per quam distantibus aperuerunt. Sic Meckel⁴⁷) renem sinistrum cum dia- phragmate et lobo inferiori pulmonis sinistri concretum vidit; pus tussiendo excerneba- tur, unde medicus diagnosticus minus acu- tus morbum pro phthisi purulenta habui- set. Exempla conjunctionis renum suppura- torum cum colo, atque excretionis puris ope diarrhoeae praebent Baillie⁴⁸), Wyss⁴⁹), aliique. Exempla puris, quod ex renibus viam sibi inter musculos lumbares aperuit, quodque ibi, postquam nonnunquam antea cariem vertebrarum lumbarium genuerat, ul-

⁴⁶) l. c. §. 1001. p. 388.

⁴⁷) Othmar Heer, diss. de Irenum morb. Hal. 1790. cap. IV. §. 2. g. 27.

⁴⁸) l. c. p. 88.

⁴⁹) Museum d. Heilkund. 1r. Bd. N. 2. S. 12. ff.

ceribus fistulosis effusum est, narrant Adolph Fr. Vogel⁵⁰), J. P. Frank⁵¹) aliquem Renes, qui durante inflammatione cum externis integumentis coaluerant, et postea suppurarant, a scessum extorsum genuisse, quo nonnunquam sponte rupto, saepius artis ope aperto, non raro felix exitus evenerit, pluribus observationibus comprobarunt Stalpart van der Wiel⁵²), Bonet⁵³), Ambrosius Paraeus⁵⁴), Schurig⁵⁵), Sandifort⁵⁶), Troja⁵⁷), pluresque scriptores veteres et recentiores. In regionem inguinalem et scrotum pus ex renibus effusum Dupont⁵⁸) vidi. Quanta puris copia esse

⁵⁰) Chirurg. Wahrnehm. 2r. Bd. S. 17. u. f. w.

⁵¹) Delect. opuscul. Vol. V.

⁵²) Observat. rarior. medic. anatöm. chirurg. Centur. prior. Observ. LII. pag. 221. Lugd. Bat. 21.

⁵³) Sepulcret. Lib. III. Sect. XXII, Obs. 23.

⁵⁴) Oper. edid Guillerm e iconib. Paris 1582. Fol. Lib. XXIV, Cap. 19.

⁵⁵) Lithologia. Dresd. et Lips. 1774. 4. cap. XIII, §. 2.

⁵⁶) Museum anatomic. acad. Lugd. Tab. CXIV.

⁵⁷) I. c.

⁵⁸) Journal de médecine. Tom. XXXII. p. 135.

possit, quae in renibus praeparetur, sequentia docent. Greifel⁵⁹) ad XXII uncias in rene dextro invenit; Cabrolius⁶⁰) XIV libras puris in sinistro et Schesser⁶¹) in rene sinistro, qui in immensum saccum, qui totum abdomen exploreret, excreverat, praeter concretiones adiposas, glandulosas et calculosas V ad VI libras puris; tota massa erat LXVIII. pondo, saccus solus IX.

Exodus nephritidos in desorganisationes alius generis perquam varii sunt: saepe renes in hydatides seu bullas aquosas degenerare videmus. Haller⁶²) exemplum hoc, dignum utique memoratu, narrat: femina quaedam hydrope periit; compluribus ante morbum annis tumor in umbilico provenerat, qui hernia creditus est; sectione error detectus est. Sinister enim ten erat, qui in utrem membranaceum, aquaque limpida impletum mutatus est, quem quis olim fuerit, solae papillae renales, quae reliquae erant, probebant. Nam cum praeter

⁵⁹) Miscellan. N. C. Dec. I. Ann. I. Obs. 16.

⁶⁰) Bonet l. c. Tom. II. p. 366.

⁶¹) I. c.

⁶²) Götting. gelehrt. Anzeigen, 1777. p. 1196.

maximam hanc pathologicam metamorphosin etiam mutatio loci hic accidisset, non facile, nisi hae papillae reliquae fuissent, in hoc sacco renes aliquis agnoscisset. Lieutaud⁶³⁾ aliquando cum sectionem instituisse, renem sinistrum in utrem membranaceum mutantum vidi, qui XXXV libras aquae continebat. Quid, quod S. Glaſs⁶⁴⁾ exemplum affert, ubi ren dexter in saccum degeneraverat, qui CCXL pintas, quae totidem fere sunt librae, continebat. Conrad⁶⁵⁾, Meckel⁶⁶⁾, multique alii⁶⁷⁾ hunc illumye renem in massam hydatidum degenerare viderunt. Hydatides hae verisimiliter glomeruli renales dilatati aut venae lymphaticae dilatatae esse yidentur; frequentissime inventae sunt prope hilum. Baillio⁶⁸⁾, auctore, hydatides renum ab hyda-

⁶³⁾ Histor. anatomic. med. Paris 1767. Obs. 1065.

⁶⁴⁾ Philosophical transactions ex Leskii versione germanica, Lübeck et Lips. 1776. Tom. 5. Obs. 39. pag. 124.

⁶⁵⁾ Arnemann, Magazin f. W. A. Tom. I. Fasc. 2.

⁶⁶⁾ Othmar Heer, diss. cit. cap. VII. § 2.

⁶⁷⁾ Hufeland's Journ. Tom. XIII. fasc. 3. p. 72 sqq.

⁶⁸⁾ l. c. p. 23.

tidibus ceterorum organorum praesertim jecinoris, diversae sunt, membrane earum tenuissimae, minusque firmae; minores nunquam membranis majorum adhaeserunt. Renes in lipoma mutatos Meckel⁶⁹⁾ vidit; ut et Keir⁷⁰⁾ aliisque Semel Hopfen-gärtner et Baillii⁷¹⁾ renes in substantiam fibrosam et membranosam immutatos viderunt. Renem sinistrum in spongiosam excentricam, vasis abundantem degenerasse, quae colon comprimeret, totumque latus sinistrum occuparet, cum inflammatione taphacelosa Burgaver⁷²⁾ in cadavere aperto invenit Prorius in substantiam ofseam hoc organon abiisse Fearon⁷³⁾ vidi.

Generatio calculi in renibus aut causa aut effectus est nephriticus. Ex omnibus causis, quae nephritidem gignunt, vim externam operantem sixcepereis, haec sine dubio fre-

⁶⁹⁾ Othmar. Heer diss. cit.

⁷⁰⁾ Medical communications. Londin 1784. Vol. I. N. 8.

⁷¹⁾ l. c. p. 163.

⁷²⁾ Haller disput. ad. histor. et curat. morbor. facient. Lauffann. 1758. 4. Tom. IV. p. 90.

⁷³⁾ Medical. communicat. Vol. I. N. 27.

quentissima et foecundissima est. Etiam hanc, ut omnes medici veteres et recentiores obseruant, longe frequentissime in rene sinistro oriri videmus, caius rei quae verisimiliter causae sint, jam antea explicatum est. Jure suspicamur, generationem calculi fortem aliquem stimulum semper praesupponere, qui ureteres aut spasmodice, et propterea transitorie tantum, aut organice et permanenter coarctet, unde longior urinae in pelvis renum commoratio efficiatur, qua commoratione decompositio materiarum urinofarum et sedimentum partium constituentium terrenarum ad nucleum calculi renalis praeexistente gigntaur. Quae conditio nisi praecessisset, explicari nequirit, quomodo calculus, qui generari incipisset, quique initiovix magnitudine grani cannabini fuisse, perpetuo stillicidio lotii ex pelvi renali in ureteras non elueretur. Saepissime quoque, per magno calculo renali generato, ureteres coarctati, reperti sunt. Multo vero saepius, quam quis crederet, nephritis occulta non agnita, plasticae lymphae aut nonnullorum globulorum sanguinis persudatione, atque simul spasmodica ureterum coarctatione, primum nucleum atque causam praedispo-

nentem calculo generando in pelvi renali praebuit, qui calculus postea inflammationem rursus evocavit, et veteriorem reddidit. Cuiusmodi exempla longe plurima e medicis antiquiorum et nostrorum temporum proferre possemus, nisi ipsi sentiremus, nimis multa nomina jam a nobis laudata esse, nisique vere remur suspicionem gloriolae captatae vix effugere posse; si non sine confilio et necessitate haud urgente ea accumularemus. Hoc tantum, quod revera maxime admirandum est, addamus, exemplisque ab observatoribus allatis, demonstremus, post mortem calculorum aut incredibilem copiam aut mirum magnitudinem inventum esse, qui, dum homines illi viverent, presentiae sane nullum vestigium proderint. Sic Petr. Borellus⁷⁴⁾ calculum VII unciarum invenit, et Pozzi⁷⁵⁾ in rene dextro calculum dentatum VII semunciarum, et in sinistro centum fere calculos deprehendit, ita ut ii, in quibus hi calculi inventi essent, nunquam de incommodis, quae ea ducerent, conquesti essent. Eadem asseruit Default⁷⁶⁾, et, qui pra-

⁷⁴⁾ Observat. physic. medic. Cent. IV. Paris 1656.
Cent. II. obl. 62.

⁷⁵⁾ Misc. M. C. Dec. I. Ann. IV. obl. 29.

⁷⁶⁾ Journ. de Chirurg. Paris 1792. Tom. III.

cipiam observandi laudem meretur, Baglivi⁷⁷⁾ idem de duobus aegrotis affirmat, in universum addens : „dolorem fixum in „regione renis et vomitum continuum esse „praecipua signa doloris a calculo, cae- „tera esse dubia, et aliis doloribus ven- „tris communia.“ Ischuriam renalem et urethram his tamen signis praecipuis adnumerare debuisset, quamvis in calculis minoribus, vel adeo majoribus, qui canalem habent, nonnunquam, etsi raro desint⁷⁸⁾.

Transitus nephritidos in obdurationem, sive, ut alia vocant, in scirrhum renum rarer est. Substantia inde spissior fit, gravior, cultro resistit, rubidior videtur, volumen eius augetur, at laeviter superficie remanet. Raro tantum excretio urinae majorem in modum tum laborat, quamvis urina nonnunquam tenuior et aquosior fiat; verum remissio febris et doloris, nulla crisi praecedente, cum sensu gravitatis prementis, qui stanti eunti augetur, claudicatio, obtusio aut intumescencia oedematosa aut adeo tabes pedis latere affecto signa sunt,

⁷⁷⁾ Opera omnia medic. pract. Norimb. 1751. 4. Lib. I., cap. 9. de calcul. et podagra, p. 118, 117.

⁷⁸⁾ Kenntmann de calculis in hominib. Tigur 1565. p. 10.

quae eam prodant. Nonnunquam tumor non dolens et durities externa palpabilis est; phaenomena priora ex impressione renum induratorum et ampliorum in musculum psoam majorem, in vasa iliaca et in nervum crurale explicari possunt. Obduration ubi ad majorem gradum pervenerit, quo abnormiter augetur, renes sedem constitutam relinquunt, et saepe procul ab hac inveniuntur, unde impedimenta in circulatione, aliaque phenomena ante mortem inexplicabilia oriri, naturae consentaneum est. Obdurationem hanc lympha inflammationis influxu exsudata produci, vix argumento egere videtur.

Ultimus transitus est in sphacelum, quod satis frequenter in nephritis idiopathicis asthenicis accidere solet, quodque corrodentis urinae decompositione, quae nunc et ipsa chemice destruenter in organa operatur, praeparatur. Subita febris remissio et dolorum sine crisibus salutiferis, celer virium vitalium deminutio cum deliquiis animi, singultus, vomitus, plena ischuria vel tenesmus vesicae cum ischuria coniunctus, vel nigra, livida, perquam foetida urina, cui globuli villosi admixti sunt, et frigus glaciale extre-

mitatum cum deliriis placidis eum portentund. Nonnunquam in ultimis vitae horis urina et foides alvi infcio perquam foetidae excernuntur.

METHODUS MEDENDI.

Omnem expositionem huius specialem abstineo, cum in operibus nunquam satis laudandis J. P. Frankii, S. G. Vogelii, Max. Stollii, v. Swietenii, Sellii, Huselandii, Trojae, Desaultii aliorumque, quae sine dubio omnium lectorum meorum manibus terentur, qualis ea esse debeat, expositum sit. Nonnullas tantum aphoristicas notiones practicas, quae simul thesium loco esse possint, hic adjungemus.

1) Apparatus debilitans mea ex sententia non ultra modum hic adhibendus est. Quamvis saepe quidem universalis sanguinis diminutio maxime necessaria est, ita tamen, praesertim ubi menses suppressi, lochia et haemorrhoides ut causae occasionales operatae sunt, scarificatio et hirudines multo etiam convenientiores et salutarioserunt. Salia media, praesertim sal ammoniacum et nitrum, cum tantopere in sistema uropoeticum operentur, caute tantum adhibenda sunt. Etiam purgantia, quae commendata sunt, non temere adhibeantur. In ipsis stimulis accessoriis gastricis, ubi

rationi conventissime indicata sunt, clysteres illi praeferri merentur, quibus multum olei recentis et mitis admisceatur.

2) Sedativa et emollientia in forma clysterum data, camphora, mercurius dulcis, opium, primaria hic sunt remedia. Cataplasma spissa ex semine lini cum hyosciamo, ut et vesica bubula lacte calido repleto, ex remedii externis praestant fomentationibus humidis et balneis, in quibus, quamvis cautissime adhibeantur, ab refrigeratione tamen non facile cavetur. Etiam unguentum neapolitanum maximi pretii est remedium. Quo haec remedia ita adhibeantur, ut aegrotus non in quavis eorum renovatione necessario erigatur, sequens apparatum obseretur: aegrotus jaceat in stragulo e pilis constanti, quod ex tribus partibus constat, quarum media angusta, in qua inferior pars dorsi cubat, extrahi et rursus subiici possit; qui apparatus quam aptus sit, quantum utilitatem afferat, neque solum in hoc sed etiam in aliis morbis, experientia sin institutis clinicis huius universitatis caesareae, ubi adhibetur, expertus sum. Etiam acidum borufficum, quaeque ei cognata est aqua laurocerasi alteriora experimenta merentur. Nonnulla, quae Prof. Balk, praeceptor summe venerandus, in inflammationibus instituit, optimum eventum habuerunt, quamvis, propter hoc ipsum, quod non magno numero instituta sunt, ex ipsis sententia nondum certi quidquam decernunt.

3) Abscessus, qui in nephritide calculosa extorsum formatur statim quidem maturandus, et tum, ut primum fieri potest, aperiendus est: sed calculus firmiter haerens ne vi extrahatur, sed patienter expectandum est, donec suppuratione procedente prolsus solutus sit, quo facio sine irritatione aptis instrumentis removeri poterit. Nephrotomia sine abscessu maturato et perspicue extorsum eminens, semper et ubique reiicienda est.

4) Aqua cum lacte, tepide sumta convenientissimo potio in hoc morbo esse videtur, quae semper apta est. Vinum nulla fere exceptione nocet. Aquae acidulae in nephritide calculosa, ubi calculi majores in pelvi renali sunt, anticipates sunt; idem quoque de aqua calcis valere videtur.

5) Quae a Baglivio ⁷⁹⁾ post Boylium, ut specificum contra calculos commendata est aqua desillata persicariae, ea neutiquam illis remedii veteris medicinae adnumeranda videtur, quae oblivione tradenda sunt. Non multum diversa videtur ab aqua laurocerasi.

6. Aer siccus et modice calidus in nulla morborum forma salutarior, quam in hac.

⁷⁹⁾ l. c. p. 118.
